

烛之武退秦师 僖公三十年

左 传

晋侯、文公。

秦伯 穆公。

围郑。 晋文主兵、秦穆会之。

以其无礼于晋、文公出亡过郑、郑不礼之。

且贰于楚也。 郑伯虽受曹盟、犹有二心

于楚。○二句、言致伐之由。

晋军函陵、秦军汜凡、南。

函陵、汜南、皆郑地。○二句、写秦晋分军次舍。可以乘间私说、伏下烛之武夜缒见秦君。

佚之狐 郑大夫。言于

郑伯曰、国危矣。若使烛之武 郑大夫。见秦君、师必退。

佚之狐已。有定算。公从之。 遣烛之武。辞

曰、臣之壮也、犹不如人。今老矣、无能为也已。

暗示不早见用意。虽近怨、然辞亦婉曲。公曰、吾

不能早用子、今急而求子、是寡人之过也。 公先自责。然郑亡、子亦有不利焉。

转语急切、自然感动。

许之。 乃许出见秦君。

夜缒 缒、悬索也。至夜乃悬城而下、恐晋觉也。而出。

见秦伯曰、秦晋围郑、郑既

知亡矣。 提过郑事一边、妙绝。若郑亡而有益于君、敢以烦执事。

反跌一句。下乃历言亡郑之无益而有害、极为透快。越国以

鄙远、君知其难也。

秦在西、郑在东、晋居其间。设若得郑、而秦欲越晋国、以为边鄙、相隔甚远。君亦当知其难也。○亡郑无益。

焉 烟。用亡郑以陪邻。

邻之厚、君之薄也。

陪、益也。邻、谓晋也。言秦得郑、必为晋所有、是益邻矣。邻之地厚、则秦之地相形而薄也。○亡郑又有害。

若舍 舍。郑以为东道主、

行李之往来、共_同其乏困、君亦无所害。

郑在秦东、故曰东道。行李、使人也。言秦能舍郑以为东道主人、秦之使者、往来过此、或资粮乏困、郑能供给之、于秦又何所害焉。○舍郑有益无害。

何所害焉。○舍郑有益无害。

且君尝为晋君赐矣。许君焦瑕、朝济而夕设版焉。君之所知也。

晋君、谓惠公。赐、犹德也。焦、瑕、晋河外二邑。言穆公曾纳惠公、亦云有德矣。惠公许秦以河外焦瑕二邑、乃朝济河、而夕即设版筑、以守二城。其背秦之速、君之所知也。○此借旧事以见晋惯背秦德。与之共事、断无有益。绝好一证。

夫晋何

厌_平之有。

宕笔妙。进一层说。

既东封郑、又欲肆其西封。若不阙秦、将焉取之。

封、疆也。肆、大也。

阙、削也。言既灭郑、以辟其东方之封疆。势必又欲大其西方之封疆。若不削小秦地、将何所取之、以肆其西封也。○此言晋不独得郑、后必将欲得秦、为害甚大。

阙秦以利晋、唯君图之。

上言亡郑以陪邻、

此直言阙秦以利晋、何等透快。

秦伯说。与郑人盟。使杞子、逢孙、杨孙戍之。

三子皆秦大夫。戍、屯兵以守也。

乃还。

秦师退矣。

子犯_{晋文公}请击之。

请击秦师。

公曰、不可。微夫人之力不及此。

微、无也。夫人、指秦伯。文公亦秦所纳、故言微秦伯之

力、何缘得为晋君。

因人之力而敝之、不仁。

赖秦力得国、而反害秦、是不仁也。

失其所与、不知。

智、○误与同事、是不知也。

以

乱易整、不武。

二国整师而来、而乃自相攻击、易之以乱、是不武也。

吾其还也。亦去之。

晋师亦退矣。

郑近于晋、而远于秦。秦得郑而晋收之、势必至者。越国鄙远、亡郑陪邻、阙秦利晋、俱为至理。古今破同事之国、多用此说。篇中前段写亡郑、乃以陪邻。后段写亡郑、即以亡秦。中间引晋背秦一证、思之毛骨俱悚。宜乎秦伯之不但去

郑、而且
戍郑也。